

Satana Ulwa Na KIDISHITU



- **Kudi Bushindañani bukata pa bibanda**
- **Kokatotapo Ñongojani, Satana, nansha bandemona**
- **I baponejibwe nyeke na nyeke boba bonso batambula kiyukeno kya kinyama pa dikasa nansha pa mpala yabo mwanda wa kupota nansha kupoteja bintu**

**Katabu kalongololwe na Watson Goodman
Buntu bitupu pampikwa lupoto**

SATANA ULWA NA KIDISHITU

Satana mushintululwe mu Mukanda wa Leza bu “mulopwe wa pano pantanda” i walwana mubajinji wa Leza ne kipangwa kitabuke bukata kya Leza—muntu. Batwe ba bungitu tudi mu kifuko kya bulwi bwampikwa lukulupilo lwa bumi. Bulwi bwikele umbukata bwa Kidishitu ne Satana. Tufwaninwe kutonga umo wa pa babidi ukekala nyeke mwendeji wetu, Kidishitu Mupangi—ye Emanwele (Leza mwetu)—nansha Satana, Kipangwa-mulopwe wa butomboki bonso kudi Leza. Mu lufu lwandi ne lusangukilo, Kidishitu wasokwedile bushindañani bubwane kudi bonso bakwitabija ne binebine mudi Aye.

Satana utompa mu miswelo mivule kongola ne kwendeja bantu bibi. Butoty i mwanda wa buleme kutabuka. KIDISHITU, Mupangi wetu ufwaninwe butoty bonso. Twidingakanyanga ku yewa otuta. Milangwe ya mfulo ya Satana i kutompa kukwata bantu mu bifuko byandi: (1) Bwana-pabo kudi Leza, (2) kikokeji ku bademona, (3) butoty bwa “muntu wa bubi”, (4) butoty bwa “kyelekejo” ne (5) kiyukeno kungitu mwanda wa kumona mwa kupotela nansha kupoteja. Dyumuka ku bino byonso.

—Watson Goodman

Leza wapangile Lushifele kwikala pa kifuko pangala palampe mulu

E mwanenena Mfumwenu Leza namino amba: Ubalamika kiyuke-no pa kitompekejo, muyule ñeni, mubwaninine buya. Abe wadi mu Edena, budimi bwa Leza; mabwe onsololo a buleme adi mputo yobe, saladwane, topaze, dyamonte, belele, onekise, yasepe, safile, emelade, ne kalabunkale, ne nsahabu; mingilo ya busendwe ya mayamba obe ne ya tupindo tobe, byadi mobe; byadi bilongolwelwe mu difuku dyo wapangilwe.

Wadi kubwipi ne Lupona Iwa Leza

Abe wadi kelubi mushingwe-

mani uputyile; kabidi nakubika, wadi pa lulu lukola Iwa Leza; wadi unanga koku ne koku umbukata mwa mabwe a mudilo.

Wadi mubwaninine mu mashi-nda obe, kushilwila ku difuku dyo wapangilwe kutula ne ku bukondame bwatenwe modi.

Leza upanga bubu

Penepo pa . . . busunga bobu bayuja umbukata mobe ne bingojila, ino walonga bubu, po pa mwanda'o o nakwelele pa lulu Iwa Leza, pamo'nka bwa kintu kya disubi; a kelubi wa kuputapo, kadi nakonakanya umbukata mwa mabwe a mudilo. —Ezekyele 28:12-16

I KIKA KYA ENDEJE BUBI BWA LUSHIFELE KUMESO?

Kwitatula kubadikidila bonakane, kadi ne mushipiditu wa kwizunzula ubadikidila kupona.

—Nkindi 16:18

Mutyima obe wazunzulwa mwanda wa buya bobbe, waboleja neni yobe pa mwanda wa kitokeji kyobe; nakwela panshi, nakutula ku meso a balopwe, na'mba bakutale.

Mfulo ya Ntomboki

Ponka pa bungibungi bwa bu-kondame bobbe, mu byampikwa boloke bya bunsunga bobbe, wajilula bipandulwamo byami; po pa mwanda o nakulupwila mudilo umbukata mobe, ubakuloteja, kadi

nakwalamuna kodi buto panopanshi, mu meso a boba bonso bakutala. Boba bonsololo bakuyukile umbukata mwa bantu'ba bakana podi; abe ubaalamuka kodi wanzuba, ino kukekalapo monka nyeke, nansha patyetye.

—Ezekyele 28:17-19

Kipangwa kyonso kifwaninwa kukokela Mupangi

Ingidilai Yehova ne tusepo; mwiye mu kifuko kyandi ne ñimbo. Yukai amba, Yehova i Leza; Ye enka wetupangile, kadi twi bandi; twi bantu bandi, twi mikoko ya mu madyo andi.

—Nimboyamitoto 100:2, 3

KULOMBOLA KWA LUSHIFELE KWA BWANA-PABO 3

A mutumbwe wa dyuba, mwana lubanga kunkya, lelo waponene kulu namani, a? Lelo kotanwa panshi namani, abe wadi unekenya mizo, a? Kabidi wanenene umutyima obe wa'mba: Nkakanda kulu nkazunzula kipona kyami kulu kwine, ñenyenye ya Leza munshi; ino nkashikata pa kalulu ka kitango, mu mutamba mulampe mwine wa kungala; ebiyampe nkakanda pangala pa makumbi'pa, makumbi muno munshi, ami kulu; ami nkefwane Mwinemukatakatamwine.

Ino nanshi ukatukijibwa ku Kalunganyembo, ku mutamba mulampe mwine wa lubao. Boba baku-

mona bakakujingulula so-o, baka-kulanga'mba: Lelo uno muntu uno'u i yewa watetemeje panshi ne kutenkanya malopwe'ni, a? Walonga panopantanda pamo'nka bwa patuputupu, ne kifulamika bibundi byapo? Yewa kakutulwilepo bakutwa bandi kwenda kwabo, a?

Balopwe bonsololo ba mizo, bonsololo'tu balala mu ntumbo, enselele mu njibo ya aye mwine. Penepa kadi abe waelwa ku kibundu kyobe'nka bwa musambo wa munyanji, muvwikwe ne baipai-bwe, bwa mutwelo basabakani-bwa na kipete, batuka ku mabwe a lubao. . . . —Isaya 14:12-19

4 KWIKALA MWANA—PABO KUDI LEZA KILETA LUFA

Mudi Lushifele dibajinji

(Tala kishima kya Lushifele kimweka misunsa itano “Nka . . .” mu Isaya 14:13, 14 pa dyani dya busatu.)

Nandi webalondolola'mba: Namwene Satana upona mulu'nka bwa nzaji. —Luka 10:18

Mudi Bamwikeulu balonda Satana

. . . Mwanda Leza kalekelepo bitupu boba bamwikeulu bapile mambo, enhe. Webelele mu bina bya mfindi bya mu kalunga ka musono, mo bakungila kutyibilwa mambo. —2 Petelo 2:4

Satana umona bukomo padi muntu

. . . mwanda yense tu uko-

menwe na kintu, i umpika wa kyokya kimukomene.

—2 Petelo 2:19

Mulu mufwaninwa kwikala Kiswa Mutyima kimo kyonka-Kiswa Mutyima kyoloke kya Leza

Kemukiulai mwikadilo ne bibidiji bya bapanopantanda, enhe. Lekai Leza emwalamwinyinyine tu mu milangwe yenu yonso, penepa mukokeja kuyuka kyasaka'mba i kiyampe, kimusangaja, kadi'mba i kibwanyinyine.

—Bene Loma 12:2

Mu Kalunga Nyembo mukekala tununu twa bantu ba kwishikwa nyeke na nyeke.

Ami ne Yehova Leza obe waku-
lupwije mu ntanda ya Edipito, mu
njibo ya bupika. Kokekalapo ne
baleza bakwabo padi ami.

—Kupituluka Mu Bijila 5:6, 7

Panai kudi Yehova ntumbo mi-
fwaninwe dijina dyandi'dya; letai
kyakwela, mwiyei ku meso andi;
totai Yehova mu buya bwa bu-uji-
la. —1 Bilongwa-Bya-Mafuku 16:29

Penepo Yesu wamunena'amba:
Funduka abe Satana. Mwanda ki-
sonekelwe'mba: Ukatota'nka Vi-
dye Mukulu Leza obe, ye enka o-
kengidila kete. —Mateo 4:10

Nami namufukatyila ku maulu
andi'mba mutote, ino aye (mwi-
keulu) wapela'mba: Leka! Kokilo-

ngai nankyo, mwanda nami ne
mwingidi pamo'nka bwa abe ne
bwa banabenu basapula busapudi
bwa Yesu. Tota'nka Leza . . . !

—Kusokwelwa 19:10

Banwe, iyai, tutote, tubandami-
ne; tufukate mu kifuko kya Yeho-
va Umpangi wetu.

—Nimboyamitoto 95:6

(Tala Ngal.1:27.)

Bongolwe batota Ntomboki

. . . bapanopanshi bonso baana
mpata, ke balonda kinyema'kya.
Bantu bonso ke batota mpumina
mwanda wapele kinyema'kya lu-
pusa. Ke batota ne kinyema. . . .

—Kusokwelwa 13:3, 4

Penepa Ñongojanyi wakanda nandi pa lulu lulalula, wamulombola malopwe onso a pano panshi ne ntumbo yao, kamunena'mba: "Shi umfukatyile nkakupa onso'a." —Mateo 4:8, 9

Boba bantu bonso kebaipaibwepo na byamalwa bino'bi, nabo kebaalamukilepo pa mutyima amba bavundamine bintu byo bapungile na makasa abo, enhe. Baendelele'nka mu kutota mikishi ne bankishi ba nsahabu ne ba ndalama ne ba mukuba ne ba mabwe ne ba mityi, byonso bino kebikokejapo kumona nansha kumwana nansha kwenda kwine.

—Kusokwelwa 9:20

Leza onakanya batotyi ba uno muswelo

... Bilonda bya mafina bisansa nakampata, byakwata bantu badi ne kiyukeno kya kinyema, batota ne nkishi wakyu... Penepa bantu bonso'ba batyibilwa mambo mwendele bilongwa byabyo byo balongele wa byandi wa byandi. Lufu ne kalunganyembo byaelelwe mu kalunga ka mudilo. Luno'lu lo lufu lwa bidye.

—Kusokwelwa 16:2 ne 20:13, 14

Ami ne Yehova, dyo dyami dijina; ino ntumbo yami nkikapanayopo kudi mukwabo, ehe, nansha mitendelo yami ku byelekejo bisongwe.

—Isaya 42:8

BAMWIKÉULU BA KIDISHITU NE BA MWIKÉULU 7 BA SATANA

Bamwikeulu ba Mfumwetu i bakomo kutabuka bamwikeulu bapone ba Satana

Totai Yehova banwe bamwikeulu bandi; banwe ba bukomo bukatakata, bafikijanga mwanda wandi, kwivwana diwi dya mwanda wandi. —Nimboyamitoto 103:20

Penepo mulu mwadi divita. Mischele, mwikeulu mukatampe, ne bamwikeulu bandi bakatambile mpumina divita, mpumina nandi ne bamwikeulu bandi balwa nabo. Ino mpumina ne bandi banekenyi-bwa. . . . —Kusokwelwa 12:7, 8

Lelo bamwikeulu bene i bika? Le ke myuya po ingidila Leza, itumi-

nwe na aye kukwasha boba bakatambula lupandilo? —Bahebelu 1:14

Ke-muntu aye ukalaijanga bamwikeulu bandi padi abe, bakukulela mu mashinda obe onso.

—Nimboyamitoto 91:11

Bamwikeulu bapone (bandimona ne bibanda) i bemike milangwe ya kwela muntu mu Kalungu-Nyembo

Muya Ujila unena patokelela'mba mu mafuku a kumfulo bantu bamo bakataluka mu lwitabi-jo, bakakokela bibanda byongolana, ne ku mfundiyo ya mikishi.

—1 Temote 4:1

8 I ANI NE I KIKA KISHIKILWE SATANA KUTABUKA

*Muntu, mupangwe mu kifwa
kya Leza*

Penepa mwana paadi ufwena'ko kibanda kyamuponeja panshi binyinge kafuluba. Yesu wafunyine kibanda'kya, wakomeja mwana wamujokeja kudi shandi.

—Luka 9:42

Nami nkebesela dyese boba bakakwesela dyese, ... kabidi mudi abe mo mukeselwa dyese mafu onso a panopantanda. —Ngalwilo 12:3

*Kidishitu (Leza mu ngitu) ne
bukudi mu ngitu yandi ne mu
mashi a buLeza*

Helode ... wakalabala mpata. Watuma bandi ku kibundi kya Be-telehema ne mu bya pabwipi na-

kyo kukepaya bana bana-balume bonso ba myaka ibidi ne kebabwe-nye'yo, monka mwaabadile bita-tyi byaumvwene kudi banenyi.

—Mateo 2:16

*Kinenwa kya Leza—
Satana upatana*

... Lelo i nankyo nanshi Leza wanene ...? Penepo nyoka kane-na mwana-mukaji amba: Mhm, binebine kemukafupo.

—Ngalwilo 3:1, 4

*Betabije babutulwe
ku Muya Ujila*

... dyumukai, mwanda walwana nenu Nongojanyi ... unangakana ukimba wakubokota.

—1 Petelo 5:8

Weula kiyukeno kya bu Mwine kyandi

Kemukekhalapo kifingwe mafingwo, enhe. Luponu lwa Leza ne Kana ka mukoko lukekala mu kibundi'kya. Bengidi bandi bakamutota. Bakamona mpala yandi kadi bakalembwa dijina dyandi pa mapala abo. —Kusokwelwa 22:3, 4
(Tala kweula kwa Satana dyani dya 35.)

Weula Bengidi ba Leza

Babo bantu i batumibwa ba mabela, bengila ne buñongojanyi. Bemwekeja bu batumibwa ba Kidishitu. Nanshi ke kyakwana po, mwanda ne Satana nandi wiala-

munanga ke mwikeulu wa mu mwinya. —2 Bene Kodinda 11:13, 14

Bingelengele bya Leza bilwa na biyukeno bya mabela.

2 Bene Tesolanika 2:9;
Kusokwelwa 13:13, 14; 19:20

Monka mwikadila Kidishitu ne lupusa pa muntu umutota bine- bine, mo monka mwikadilanga Satana na lupusa pa bantu po bamutota aye nansha baleza bandi

A Yehova Leza wetu, bamfumu bakwabo bo watenteka kodi betwikadile bu-mfumwetu . . .

—Isaya 26:13

Banwe bana bani, mwilamei ku bankishi. —1 Yoano 5:21

Kokekala ne baleza bakwabo pondi. Kokepungila nkishi kodi, nansha kyelekejo kya kintu ka, shi kika shi kika, kidi mulu, nansha kidi panopanshi, nansha kidi mu mema munshi mwa ntanda. Kokafukatyila'bo, nansha kwibengidila kwine. . . . —Divulu 20:3-5

Baleza bakwabo i kya munyanji kudi Leza. Kwela bantu bu bitapwa i kipelejibwe

Konakanya mukonakanya fututu muntu monso monso mo mukapana ke bu-kishi kyenu, moingidilamo mizo baleza bayo, pa ngulu milamila ne tululu, ne munshi

mwa mityi yonso mibishi. . . Widyumune abe mwine, amba wakapya mu dikinga kwibalonda, papo ke bapwe kala konakanibwa ku meso obe . . . Kokalonga namino'u kudi Yehova Leza obe, mwanda byamunyanji byonso bya kudi Yehova byashikilwe, e byo balongele ku baleza babo; ne bana babo bana-balume, ne bana babo bana-bakaji, bo basokejanga mu mudilo ku baleza babo.

—Kupituluka Mu Bijila 12:2 ne 30, 31

. . . Lelo nkapana . . . kipa kya ngitu yami pa bubu bwa muya wami'ni, a?
—Mika 6:7

Mashi a Kidishitu akenda bubu

Bulembakane bwa kutota kwa bankishi

Baalamuna byabinebine bya Leza byo ke byabubela, baleka kutota Leza ke batota kipangibwa ne kwikingidila pakatampe, aye mwi-ne wekipangile mpika, aye ufwanyninwe kutumbijibwa nyeke ne nyeke. —Bene Loma 1:25

Nanshi Leza wetu udi mulu; Walonga monka mwaswidile mutyima wandi, bankishi babo i ndalama ne nsahabu, mingilo ya makasa a bantu. Badi ne byakanwa, kunena nabyo mpika; meso badi nao, kumona nao mpika; badi ne matwi, ino kwivwana nao mpika; myulu nayo badi nayo, kulula na-

yo mpika. Badi ne makasa, kukwata nao mpika; maulu nao badi nao, ino kwenda nao mpika; nansha kunena pa mudibu wabo. Boba bebalongele bakeifwananga nabo; Eyo, i binebine, bonso bebakulupile. —Nimboyamitoto 115:3-8

Kutota bankishi i kutota Dyabola

... tyinai kutota bankishi...
Ami nami nkisakilepo'mba mwikale kipwano na mikishi, enhe.

—1 Bene Kodinda 10:14 ne 20

Kifunda kya kutota bankishi

... batota bankishi... bakapebwa kifuko kyabo mu dijiba dya mudilo mudi sufule. Luno'lu lo lufu lwa bubidi. —Kusokwelwa 21:8

12 KUTOTA BANKISHI (BADEMONA) I KUSHIKIBWE NA LEZA

Kutupu kwikala na bankishi mu njibo yobe

Ebiya ukapana balopwe babo mu kuboko kobe, kadi ukakubijija dijina dyabo muno munshi mwa diulu, kekukekalapo nansha muntu umo wakwimana ku meso obe, poso'nka ubebonakanya. Bankishi basongwe ba baleza babo mukasoka'bo na mudilo . . . mwanda i kyamunyanji kudi Yehova Leza obe. Kadi kokaleta mobe mu njibo kyamunyanji, nankyo wakealamuna kodi kintu kifingwe bwa mwikadile akyo kine. . . .

—Kupituluka Mu Bijila 7:24-26

Kadi baingidile bankishi babo,

bakwibalamuna ke kidiba, Eyo, i binebine, batapile bu-bitapwa bya babo bana bana-balume, na bana-bakaji bene kumo, kudi bademona . . . E ponka pabanjilwe bukala-bale bwa Yehova pa bantu bandi, kadi washikilwe bupyane bwandi bwa bya munyanji.

—Nimboyamitoto 106:36, 37 ne 40

Kokafukatyila'bo, nansha kwi-bengidila kwine; mwanda amiwa Yehova Leza obe ne Leza wa mukao, wakupija padi bana bubi bwa bashabo, ba ku lukongo lwa busatu ne lwa buná lwine, padi boba banshikilwe. —Divilu 20:5

Kokakolwapo kuleka wabutyi kwikala mumi. —Divilu 22:18

Ebiya nkafundula majende mu dikasa dyobe; kukekalapo monka ne bakubanga manga, ehe.

—Mika 5:12

Mwanda butomboki i pamo bwa bubi bwa kubuka, ne lupata lubi i pamo bwa kutota bankishi ne telafimi. Mwanda ubafutulula kinenwa kya Yehova, aye nandi wakufutulula abe kubikala bu-mulopwe. —1 Samwele 15:23

Ebiyampe pokatwela mu nta-nda ya kupa Yehova Leza obe, ko-kalombolwapo kulonda mungya byamunyanji bya mizo'ya, mhm. Kekukatanwapo mobe, nansha u-

mo, upityija wandi mwana mwa-namulume nansha wandi mwana mwana-mukaji, monka mu mudilo, ubuka lubuko, ulonga byamwiko, nansha uloañana, nansha wamajende, nansha mfwityi, nansha wipangula bibanda, nansha wamaleñanya, nansha wipangula bafu. Mwanda enselele ulonga bine bino bintu bino'bi, i wamunyanji kudi Yehova; ino kadi i pa mwanda wa bino byamunyanji bino'bi, Yehova Leza obe wibapingamo abo ku meso obe.

—Kupituluka Mu Bijila 18:9-12

Lubuko: Busendwe bwa kusapula bika-fika kumeso pa kwabija mishipiditu ya bafu; maleñanya afita.

KUSAPULA BYA KUMESO NA BUKWASHI BWA BIBANDA

Leza ukankaja buyuki bwa ñe-nyenye, kuloañana, bitapibwa ne biyukeno pa ngitu

Kemukadyapo kintu kidi ne mashi, nansha kika, nansha kika; kabidi kemukajendulapo bya majende, nansha kubanga ku bintu bya mijimu. Kemuketyibilapo lufu byakwityiba ku ngitu yenu, nansha kwilemba ntapo po mudi, mhm; amiwa ne Yehova.

—Bene Levi 19:26 ne 28

Mwanda batelafimi besamba byabitupubitupu, ne bitobo bimo-na bubela; kabidi basapula bilotwa bya bubela; baseñañana bitupubitupu; po pa mwanda o bende-

la mu dishinda dyabo'nka bwa mi-koko —Zekadia 10:2

Ino banwe nenu, kemukitejapo ku bapolofeto benu, nansha babitobo benu, nansha ku bilotwa byenu, nansha ku bamajende benu, nansha ku babumfwityi benu. . . .

—Yelemia 27:9

. . . Nkekalanga kamoni kapela pa bumfwityi, ne pa bamakoji, ne pa batyipa bubelabubela.

—Malaki 3:5

Lubuko: Kusapula bya kumeso nansha byampikwa kuyukwa na miswelo milube.

Maleñanya: Majende malongwe na bukwashe bwa bibanda.

***Kubuka na bakwatwe na
bibanda***

Ino kadi po bakemunena'mba: pangulai boba badi ne bafu ne ku bamaleñanya bamisongwe ne ba miuningo; lelo bantu kebakepangulapo Leza wabo'ni, a . . . ?

—Isaya 8:19

***Kwingidila bipindi bya ngitu,
Byelekejo***

. . . wakukula miketo koku na koku, waipangula telafimi, kabanduala mu dityima. —Ezekyele 21:21

Lubuko lobabuka na kamutyi

Bantu bami bepangula ñeni ku bitako bya mityi byabo, ne mukombo wabo wibatobela butobo;

mwanda mushipiditu wa busekese ubebatupija, kadi benda busekese ne kwifundula kudi Leza wabo.

—Hosea 4:12

Kifunda kya lubuko

Enka namino'u Solo wafwa pa kujilula kwandi kwajilwile padi Yehova, mwanda wa kinenwa kya Yehova kyakalaminepo; kadi ne pa mwanda wa kulomba ñeni kudi yewa ubuka lubuko, kwipangula kwadi, ne kwipangula kudi Yehova mpikila. . . .

—1 Bilongwa-bya-mafuku 10:13, 14

Ebiyampe bamoni bakafwiji-bwa bumvu, ne bitobo bikavutakanibwa; . . . mwanda kutupu kulondolola kwa Leza. —Mika 3:7

MISWELO INGILANGA MULOPWE WA PANO PANTANDA

Bampikwa kwitabija balonda buyuki bwa ñenyenyeye

E mwanenena Yehova namino amba: Kemukilombola dishinda dya mizo'dya; kemukyulukwapo masenda pa biyukeno bya kulu, mwanda mizo ikwetwe nzuba pa abyo. —Yelemia 10:2

Kokikulupila mu masomo nansha kintu mwanda wa kumona dyese nansha kwipana ku nyimbo ya bademona nansha bifwatulo bibi. “Nkikatulapo ku meso ami kikobakane nansha kimo...” (Ñimboyamitoto 101:3). Lekelela mitatulo, buzazangi, ne butoshi bufwe.

Malwa enu... banwe banzaza-

ngi! ... bimweka dyangi pangala ino munda muyuleyule... ne miswelo yonso ya bibole.

—Mateo 23:27

Kwiipaya i kwa Dyabola

Kokitabija ku mabela a Satana nansha a bademona'mba kwiipaya kuleta bwana-pabo ku makambakano nansha ku mambo! “Kokepayañana, mhm” (Divilu 20:13).

Enka Kidishitu ye uleta bwana-pabo ku mambo

(Tala dyani dya 48 ne 49.)

Yehova i bwami bukomo ne lwami lwimbo, kabidi wangalamukila bwami bupandiji —Divilu 15:2

Mu bapolofeto ba mabela

Byobiya Yehova waunena'mba: Bapolofeto'bo bafumikanga bya mabela mu dyami dijina; nkibatu-minekopo, nansha kwibasomanya kwine mpika, nansha kunena nabo ami mpika; bafumika ko mudi kimonwa kya bubela, ne lubuko, ne kintu kya bitupu, ne budimbañani bwa mutyima wa abo bene.

—Yelemia 14:14

Mu kwisamba na bafu

Mulopwe Davida, aye muyulwe ne Muya wa Leza, wanenene pa wandi mwana amba, “Ino pano byadi mu-fwe, . . . nanshi aye kakajokelapo ko ndi, mhm.” —2 Samwele 12:23

. . . Kokisamba ne bibanda, poso e-nka kwibisoñanya kusaluka mu Dijina dya Kidishitu. Ino kokikulupila mu lubuko lwa kutala mu makasa, mu makayo a pa kipindi kya mutyi engila na bibanda, mu bufwityi, mu maleñanya. “Ino bushindañani bo bwa Yehova” (Nkindi 21:31).

Unakanya bankishi, mabuku a Satana

Bangibangi badi balonga bya majende baletele mabuku abo a majende, beasoka kumeso a bantu bonso. . . . I namino'u mwaendelele mwanda wa Mfumwetu konso-konso ne bukomo bonso.

—Bilongwa Bya Batumibwa 19:19, 20
(Tanga Ngal. 35:2-5.)

18 KIDISHITU WAPANGILE MUSWELO WA MULUME NE MUKAJI KUSAMBAKANA—SATANA WALUBIJA'O

Kusambakana pamo i enka kwa busongi

Ino Yehova Leza wapunga mwana-mukaji ku lupamvu lwafundwile ku muntu'lwa, ebiya, wamuleta kudi mwana-mulume'wa. . . . Penepo po pa mwanda'o mwana-mulume wakashila shandi ne inandi mwine, ukalamata kudi wandi mukaji, ino abo bonso babidi ke ngitu imo yonka.

—Ngalwilo 2:22 ne 24

Balume ne bakaji betundaile kala nabo nebakome (ke ami po unena, i Mfumwetu mwine) amba mwanamukaji kakifunduka ku mulumyandi. Shi afunduke na-

nkyo, nabya kakisongwa monka. Shi usaka kusongwa, bejokeje na mulumyandi. Mwana-mulume nandi kakilubula mukajandi.

—1 Bene Kodinda 7:10, 11

Busongi i buyampe bulemeki-bwe na bonso, butanda nabo bwikale bwampikwa mambo, mwanda Leza ukaponeja ba busekese ne boba bonso balonga makoji.

—Bahebelu 13:4

Satana udi kunyuma kwa kubulwa kukokela

Yewa ulongalonga bubi i wa Ñongojanyi, mwanda Ñongojanyi ulonanga'bo'nka ne kungalwilo. . . .

—1 Yoano 3:8

BUSEKESE NE MAKOJI I BUTOMBOKI KUDI LEZA 19

Kokalala makoji, mhm.

—Divilu 20:14

Penepo yao muntu ulala makoji na mukaja mukwabo, ke yewa kadi ulala makoji ne mukaja mwika-di nandi, nankyo bonso bubidi, ne mwana-mulume, ne mwana-mukaji mwine, mo baladila makoji, ku-fwa bakafikijibwa ne ku lufu.

—Bene Levi 20:10

. . . Ngitu ya muntu shayo keya-pangilwepo busekese, anha, yapa-ngilwe Mfumwetu, Mfumwetu nandi i mwine'yo . . . Lelo kemuyukilepo'mba maitu enu i bipindi bya ku ngitu ya Kidishitu? . . . Nye-mai busekese! Bubi bonso bulo-nga muntu kapi'bopo ne ku ngi-

tu, ino yewa ulonga busekese u-pya bubi ne ku ngitu yandi mine.

—1 Bene Kodinda 6:13, 15 ne 18

Bambutwile balame bana ku busekese

Kokasomonwapo kupelula obe mwana mwana-mukaji, amba eka-le wa bwitwa, kutyina'mba nta-nda yakafulamukila ku bwitwa, ne ntanda mine yakalamuka ke miyule bupolapola.

—Bene Levi 19:29

Busekese: Kusambakana pamo na muntu yense okemwisongelepo nandi.

Makoji: Kusambakana na muntu ungi okemwisongelepo nandi kupwa kwa busongi.

20 SATANA WANENIBWE NA LUFU LWA YESU

Monka mufwila bonso ba Adama, e mo mukasangukila ne bonso ba Kidishitu.

—1 Bene Kodinda 15:22

Mwanda bana batela bano, badi ne ngitu idi ne mashi. Yesu nandi waalamukile'nka bwa abo, waikelle ne ngitu idi ne mashi. Waalamukile nabya'mba pa kufwa onakanye Nongojanyi ukwete bukomu bwa lufu, anyongolole bonso badi bu bapika ba moyo wa lufu mu bumi bwabo bonso.

—Bahebelu 2:14, 15

... E kyo kyaidile Mwana Leza amba onakanye mingilo ya Nongojanyi.

—1 Yoano 3:8

E konka ku musalabu kwaanekenyenye mafumu ne mpusa ya mfindi, webimwekeja patokelela ke bibandilwa na bonso, kadi ke byenda mulongo bikutwe bishindwe na Mwana wandi.

—Bene Kolose 2:15

I aye wetupandije, wetwita'mba twikale bapandulwemo, napo ke pa bilongwa biyampe byo twalungele, anha, i ku bulongolodi bwandi ne pa buntu bwandi... Ino pano wetufikijija'bo pa kusokoka kwa Mupandiji, Kidishitu Yesu, waipaile lupusa lwa lufu, wamwekeja bumi ne kubulwa kufwa kwine, mu Myanda Miyampe.

—2 Temote 1:9, 10

BUSHINDAÑANI BWA MWINE KIDISHITU PADI SATANA

21

Walwana nenu Ñongojanyi ubu-
luma'nka bwa ntambo, unangaka-
na ukimba wakubokota. Imanyi-
jai, mumukomene na lwitabijo
lweni.

—1 Petelo 5:8, 9

Vwalai byabulwi byonso bimupa
Leza, amba mwimanyiije biyampe
mu byakyongo bya Ñongojanyi.
Mwanda ketulupo na bantu,
anha, i na mabikavu ne na balupu-
sa ne na bamfumwandya ntanda
ya mfindi, ne na myuya mibi ya
mu madiulu... amba mwimanyi-
je mu mafuku mabi... muvwale
kikaya mu kifuka binyinge, akyo i
bubinebine, kadi vwalai kilama
kyadi, nakyo i boloke. Vwalai bila-

to ku maulu, nabyo i kwenda ku-
sapula Myanda Miyampe ya
ndoe. Kutabukididila kwatai nga-
bo, nayo i lwitabijo lwa kubula mi-
keto yonso ya mudilo ya yewa wa-
nshikanyi. Vwalai kilamamutwe,
nakyo i lupandilo. Somonai lupa-
nga lwa bulwi lwa Muya Ujila, na-
lo i Kinenwa kya Leza. Mulomba
Leza mu Muya Ujila mu bitatyi
byonso...Tengelai kitatyi kyo-
nso.... —Bene Efisesa 6:11-18

...mwanda Muya Ujila (wa
Kidishitu) udi mo mudi utabukile
bukomo muya (wa Satana) udi mo
bapanopantanda. —1 Yoano 4:4

Aye u Diwi dya Leza

Leza . . . mu ano mafuku a kumfulo, wetunenena mudi wandi Mwana, watudile bu mpyana wa bintu byonso, kadi ne panopantanda pene wapangile'po'nka na aye.
—Bahebelu 1:1, 2

Ino batwe shetu kudi'nka Leza umo, Tata wetu, wapangile byonso, aye witwikadije'ko, ne Mfumwetu nandi kadi umo enka, Yesu Kidishitu —1 Bene Kodinda 8:6

Mwanda Kidishitu wafwile kadi wasanguka'mba ekale Mfumwandy a bafu ne bomi bene.

—Bene Loma 14:9

Penepa bantu baanyine bikata mwaadi ufundijija, mwanda wadi ufundija ne lupusa lonso, ke pamo po na mwadi mufundijija bafundiji ba bijila, enhe.
—Mako 1:22

Kadi wamupe ne lupusa lwa kutyiba mambo mwanda i Mwana Muntu.
—Yoano 5:27

Kidishitu pano waenda mulu, u-di ku mutamba wa kuboko kulumme kwa Leza, kwabikadile bamwi-keulu ne balupusa bakwabo ne bakomokomo ba mulu. —1 Petelo 3:22

Yesu wafwena ko badi, webanana'mba: Lupusa lonso napebwa'lo, lwa mulu ne lwa pano panshi pene.
—Mateo 28:18

KIDISHITU WISAMBA KADI WINGILA NA LUPUSA 23

Yesu nandi walanguka, kufunyina luvula bikatampe, wanena mema'mba: "Ish! Talala nyaa!" Enka ponka'pa, luvula lwatuuka, ke kudi talala nyaa! —Mako 4:39

Kidishitu ulupula bibanda

Penepo kibanda'kya kyamuzukumija bikatampe waela ne lubila lukomo, kyamutamba'mo. Bantu bonso baana bikata, ke beipangula abo bene na bene'mba: "Lelo kino nakyoyi kika? Luno lufundijo lupya lukomo namino! Unena tu bibanda na lupusa, nabyo bimukokela!" —Mako 1:26, 27

Wadiundapa na lupusa

Nanshi nsaka muyuke'mba Mwana Muntu udi ne lupusa lwa

kulekela bantu bubi pano panshi. Penepa wanena ubela bulebe'wa amba: "Nakunena'mba imana, tekuna butanda bobewende kobe." Ponka na ponka, muntu'wa waimana, watekuna butanda bwandi kaenda, bonso ke bamubandila. Kadi bantu bonsololo baanyine mpata, ke batumbija Leza. . . .

—Mako 2:10-12

Wadiusangula mufu na lupusa

. . . Wanena'mba: "A nsongwolume! Nakunena'mba languka!" Mufu washikata, waalula ne kwisamba. Penepa Yesu wapa'ye inandi. —Luka 7:14, 15

24 KIDISHITU UPANA KUDI BAKUMULONDA LUPUSA NE BUKOMO PA BUKOMO BONSO BWA WA LWANA

Talai, ami nemupele bukomo bwa kunyanta pa banyoka ne pa tuminye ne bwa kunekenya bukomo bonso bwa Walwana, ke kudi nansha kimo kikemulongakanya.
—Luka 10:19

Penepa kadi Yesu waungwijije bana ba bwanga dikumi ne babidi, webapa bukomo ne lupusa lwa kupanga bibanda byonso ne lwa kubelula mbá.
—Luka 9:1

Mukokeja kunena lulu luno'lu'mba: Juka pano ukeele mu kalunga-lui! Shi kemwalakanapo mu mityima yenu, mukulupile'mba

kyo munene'kya kikafika, nabya kikafika.
—Mako 11:23

Nemulombola binebine tu'mba yewa ungitabija nandi ukalonga bilongwa byo nonga'bi. . . .
—Yoano 14:12

Yesu wamunena'mba: Mwanda ka unena'mba: Shi ukokeja? Mwanda kintu kyonso kikokejika kudi yewa witabija.
—Mako 9:23

Nombanga monka'mba tuyuke ne bukomo bukatakata bwaetubikile batwe betabije. I bukomo bwandi bukatakata.
—Bene Efisesa 1:19

Wiifunine. Wiisoñanye kutamba mu Dijina dya Yesu

Mwanda Yesu wamunene'mba: "Mulupuke'mo abe kibanda!" Penepa Yesu wamwipangula'mba: "Dijina dyobe wi anyi?" Aye nandi wamulondolola'mba: "Dijina dyami ne Kibumbo, mwanda twi bangibangi." Penepa bibanda byonso byatamba mu muntu, byakatwela mu bangulube

—Mako 5:8, 9 ne 13

Yesu . . . wafunyina kibanda'kya amba: Abe kibanda kikankaja mwana kunena ne kumvwana, nakunena'mba tamba mu uno mwana, kadi kokijokela'mo dikwabo.

Penepa kibanda'kya kyaela lwanji bikatampe ke kiflubija mwana'wa, kyatamba. Nsongwalume wamweka'nka na mufwe, ne bonso badi'po ke banena'mba: E, wafu! Ino Yesu wamukwata ku kuboko wamwimika, nandi waimana bwimwa . . . Enka milombelo yo ikokeja kutambija bibanda bya uno muswelo. —Mako 9:25-27 ne 29

Polo . . . wavundamuka kanena kibanda'kya'mba: Nakunena mu dijina dya Yesu Kidishitu'mba mutambe'mo! Kibanda kyamutamba'mo ponka'pa.

—Bilongwa Bya Batumibwa 16:18

26 BUKATAKATA BWA DIJINA DYA YESU KIDISHITU

Kyonso kyo mukalomba mu dijina dyami, nkalonga'kyo, amba Mwana amwekeje ntumbo ya Shandi. —Yoano 14:13

O mwanda mwine wamuzunzwi-

dile Leza pa kifuko kitabukile kumtunduka. Wamupa dijina ditabuke majina onso buleme, amba dijina dya Yesu dilemekibwe. . . .

—Bene Fidipai 2:9, 10

Pakupwa kusela mukaji wami ne kisaka na lukulupilo lwa kujyoka ku Afrika ku mingilo ya Kidishitu, bufuku bumo nalangukile ne kibanda kintentame. Ponatengeje kunwi kwami ku kwandi mwanda wa kutalashi i byabine, watakikile bukidi kunwi kwami na bukomo bukata, kadi waiya bukidi bukidi kumfina pa nshingo yami. Nadi na kyaba kyakunena enka bishima bino bibidi ne diwi dikatampe: “YESU NKWASHE!” Ponka na ponka waendele, ne kutamba kyakyo kyaba ne myaka 28 yalondeleko, nkyamwenepo monka kyokya kufika dikwabo. Mu Dijina dya Yesu Kidishitu mudi bukomo buleteja moyo kudi Satana ne bademona bonso! Ita pa Dijina dya Kidishitu mwanda wa kumona lupandilo ne bunyongolodi (Bene Loma 10:13).

Mwana-mukaji umo wadi unsapwila ami ne mukaji wami amba pakidi ku bifundwa, nsongwalume umo wamuselele kwenda kutuka mu kashi-

nda ka dishinda dya Kudiye (Maswa). Mu kyaba kimo wadi ka kimbe kungipaya mwanda wa kumwekeja ku bantu amba i Kudiye (Maswa) mwipaya. Aye pamusoñenye mu Dijina dya Yesu Kidishitu, yewa nsongwalume wabudilwe bukomo bwa kumulonga kintu nansha kimo. Mu bukomo bwa Yesu, mwana-mukaji wamulongele kupita kumeso ne kujyoka ku kifuko kya bifundwa.

Mwana-mukaji mukwabo wadi unsapwila ne mukaji wami amba mu mafuku a busongwakaji bwandi pampikwa kulanga biyampe, wapene njibo yandi ku bantu babuka. Kupwa kyokya, bibanda byashilwile kujinya bintu bya mu njibo kyaba ne kyaba. Mu mpungiji ya mutyima, wibipangile mu njibo yandi mu Dijina dya Yesu.

Kokikwashilwa Satana lusa nansha ku mwivwana nansha bademona. Milangwe yabo i kukulamika kobadi kutabuka kudi Leza. Muntu mutame mu bwine Kidishitu mukupilwe na bukokekeke bwa ngitu ne makambakano mu mutwe, wansapwidile bintu byadi bimusapwila Satana. Wadi ulanga kulomba Satana kumundapa. Namulombwele amba Satana i mukomo ku kongola bantu ne kukokejapo kukulupila ku kishima kya nena. Namufunine Satana mu Dijina dya bukomo bonso dya Yesu Kidishitu. Wamwekele wa ndoe mudi Kidishitu mu mayenga atano alondele kumeso kwa kufwa.

—Watson Goodman

Kidishitu i Leza Mupangi

Mwanda i padi aye papangilwe bintu byonso bidi umadiulu ne bidi pano panshi pene, byonsololo bimweka ne byampikwa kumweka: mpona ya malopwe, na mafumu, ne mabikavu ne lupusa lonso, byonso byapangilwe'nka na aye, kadi i byandi. —Bene Kolose 1:16

*Kidishitu upana
Mwinya ne Ndoe*

Mwanda wa kutokejeja boba bashikete mu fukutu ne bakunkuji-bwa na lufu, ne mwanda wa kwitupityija maulu etu mu dishinda ditalala nyaa. —Luka 1:79

*Bademona ne Satana
bonakanya*

Ngivi wiilanga'nka kwiba ne kwipaya ne konakanya. . . .

—Yoano 10:10

Yoo! Panshi napo malwa apo . . . Mwanda Nongojanyi watukila papo po mudi ne bukalabale bonso, mwanda uyukile'mba ndi ne kakitatyi katyetye bitupu.

—Kusokwelwa 12:12

*Satana upana mfindi ne
masusu*

. . . Mpeta nandi wafwa, bamujika. Penepo mpeta'wa wasusukile bikatampe mu kalunga ka mudilo. . . . —Luka 16:22, 23

Kidishitu i bu-binebine

Kinenwa uno waalamukile ke muntu, waikala netu pamo, muyulwe buntu ne bubinebine. Twabandile ntumbo yandi, ntumbo idi'nka bwa ya Mwana umo enka kudi Shandi. . . Shi mukokele biyampe binenwa byami, nabya mukikalanga binebine bana bami ba bwanga. Mukayuka bubinebine ne bubinebine buno nabo bukempapa bwanapabo.

—Yoano 1:14 ne 8:31, 32

Kidishitu i muyulwe kisanso

Po tuyukila kisanso i padi Yesu Kidishitu wetwelele bumi bwandi. . .

—1 Yoano 3:16

Satana i shandya mabela

Mwanda shenu i Ñongojanyi. Musenswe kulonga bisaka shenu. Aye i ngipayañanyi enka ne kungalwilo kwine. Kaimenepo mu byabinebine kashaa, mwanda munda mwandi i mutupu bubinebine. Pabepanga bubela, wisambanga mwaibididile kala, mwanda i mbepai kadi ye shandya bubela mwine.

—Yoano 8:44

Satana uyuja mu mutyima wa muntu na mushikwa

Shi bapanopantanda abemushikwe, yukai byo babadikile kala kunshikwa ami mwine.

—Yoano 15:18

Kidishitu utokeja mutyima

Ino shi twikale mu mwinya mwikadile Leza mwine mu mwinya, nankyo netu tupwene batwe bene na bene, ne mashi a Yesu wandi Mwana etutokejanga ku bubi bonsololo. —1 Yoano 1:7

Kidishitu unyongolola ku bubi

Pano tubabingijibwa na Leza pa mashi andi, po penepene nanshi aye uketupandija ku bukalabale bwa Leza. —Bene Loma 5:9

Kidishitu upana bumi bwa nyeke na nyeke

Bumi bwa nyeke bwine i kuku-yuka abe Leza wabinebine kasuku, ne kuyuka Yesu Kidishitu o watumine. —Yoano 17:3

Satana usubija mutyima

Kemukidimbwai, Leza kabengwepo kibengo. Mwanda kyokya kikunyine muntu, kyo kyonka kyakangula. Shi akune bisangaja bungitu bwandi, bungitu bwandi bukamwangwija bubole. . . .

—Bene Galatea 6:7, 8

Satana ukunkwija bantu ku lufu lwa nyeke

Budimi i panopantanda. Nkunya miyampe nayo i boba bana ba mu Bulopwe. Biyombo bibi i boba bana ba Umbi. Walwana ukuna kiyombo kibi i Nongojanyi . . . biyombo bebyela mu mudilo. . . .

—Mateo 13:38-40

I mulopwe wa ino ntanda pano

Pano nkikisambepo (Yesu) nenu kadi bivule mwanda mfumwandyanda panopantanda wiya. Ino kadipo ne kalupusa nansha kamo po ndi. —Yoano 14:30

Satana i mulopwe. Shi bintu kebyendapo biyampe, mufunine

Ñenyi idi nankyo keitambilepo mulu, enhe, i ya pano panshi ya bu muntu, ya Satana. Mwanda kokwa kudi mukao ne kulwila buleme, e ko kudi kadi ne kavutakanya ne bilongwa byonso bibibibi.

—Yakoba 3:15, 16

Satana pa mona kyaba, onakanya bwanapabo bwa kutota Kidishitu patoka. Kakokejapo ko-

nakanya mutyima obe wa kisanso kudi Kidishitu.

Lama lwitabijo!

Po badi bamwasa mabwe, aye wadi wabija'nka'mba: "A Mfumwetu Yesu, tambula muya wami!" Wafukata mu manwi, wanyigisha diwi bikatampe'mba: "A Mfumwetu, wibalekele bupyamambo bunu!" Ukala tu kishima, wafwa!

—Bilongwa Bya Batumibwa 7:59, 60

Bwendeji bwa Kidishitu pano pantanda

Ntundubuko ya bubikadi bwandi ne ya ndoe mine, kekukekala-po mfulo nansha patyetye

—Isaya 9:7

ANTIKIDISHITU WIYA BU MWENDEJI WA PANO PANTANDA

Dyodya difuku kedikafikapo nankyo, poso bupondo bubadikile bidi kufika, ne muntu mwine bupondo mwine asokoke, yewa ukonakanyibwa. Aye ukapela kulemeka byonso biityibwa bu leza ne byonso bitotwa. Ukendelela ku-shikata'nka ne mu Njibo ya Leza ne kuketela aye mwine'mba ne Leza. Penepa e pakasokoka ne mwine bupondo mwine. Mfumwetu Yesu nandi ukamonakanya na muya wa mu kyakanwa kyandi, ne kumujimankanya fututu na ntumbo yandi ikelema ya kwiya kwandi. Mwine bupondo mwine ukeya umbukomo bwa Satana, uka-

longa byabukomo ne biyukeno ne bingelengele bya kongolañana nabyo. —2 Bene Tesalonika 2:3, 4 ne 8, 9

... Mpumina wekipele bukomo bwandi ne bulopwe bwandi ne lupusa lwandi lukatakata... Kyapelwe lupusa lwa pa bisaka byonso, ne pa bantu bonso, ne pa ndimi yonso, ne pa mizo yonso.

—Kusokwelwa 13:2 ne 7

Bantu bonso ke batota mpumina mwanda wapele kinyema'kya lupusa. Ke batota ne kinyema kine'mba: "Lelo udi bwa kino kinyema i anyi? I anyi le kadi ukokeja kwikitamba divita?"

—Kusokwelwa 13:4

Ebiyampe ukesamba binenwa padi Mwine Mukatakata Mwine, ne kuzeja bapandulwemo ba Mwine Mukatakata Mwine; kabidi aye ukalanga kwalamuna byaba ne kijila kine; ino bikapebwa mu kuboko kwandi, kutula'nka ne ku kyaba, ne byaba, ne ku kipindi kya kyaba. Ino'nka kidye kikabungwa, kabidi bakafundula bufumu bwandi, kukubija ne konakanya'bo ne kumfulo kwine.

—Danye 7:25, 26

... Kyapelwe lupusa lwa kulonga nabya mu makweji makumi ana ne abidi. Kyanena Leza bibibi, kifutulula lupusa lwandi, ne kifuko kikele Leza, ne bonso bekele

nandi mulu. Kyapelwe lupusa lwa kukatamba bapandulwemo divita ne kwibanekenya. Kyapelwe lupusa lwa pa bisaka byonso, ne pa bantu bonso, ne pa ndimi yonso, ne pa mizo yonso. Bonso bekele panopanshi bakekitota, boba ba majina abo a kubulwa kulembwa mu mukanda wa bumi wa Kana ka mukoko kaipaibwe, ba kubulwa kulembwa kushilula'nka ne ku ngalwilo kwa kupangwa kwa panopantanda. —Kusokwelwa 13:5-9

Lwa divita dilumbuluke dya mu lwitabijo, kwatija bumi bwa nyeke bwakwityile Leza, bo waitabije senene bantu bavule bamwene.

—1 Temote 6:12

34 KOKITOTA KYELEKEJO KYA ANTIKIDISHITU

Mwendeji wa Butoshi bwa nta-nda ukwashya Antikidishitu konga ntanda.

Kyaongwele bekele pano panshi na bingelengele byo kyapelwe kulonga, kinyema kibajinji'kya kitala. Kyanena bekele pano panshi'mba: Pungai nkishi wa kinyema kyatapilwe ne kipete ino kufwa mpika'kya. Kadi kinyema' kya kyapelwe ne bukomo bwa kwela muya mu nkishi wa kinyema kibajinji'kya amba anene, kadi epaije bonso bapela kumutota... Ino kinyema'kya kyakwatwa, kadi ne mufumiki wa bubela nandi wakwatwa, yewa wadi ulonga bingelengele mu kifuko kyakyo,

byaaongwele nabyo boba batambwile kiyukeno kya kinyema badi batota ne nkishi wakyo. Kinyema'kya, ne mufumiki wa bubela'wa, bonso bubidi baelelwe bomi mu dijiba dya mudilo, mudi ne sufule. —Kusokwelwa 13:14, 15 ne 19:20

Bantu ba Leza bapela baleza bakwabo

Shi i amo, Leza wetu o twingidila ukokeja kwitunyongolola kunkelwa ya mudilo utema, kabidi aye uketunyongolola mu dikasa dyobe, abe mulopwe... ketuke ngidilapo baleza bobo, nansha kutota nkishi wa nsahabu o waimika'o. —Danye 3:17, 18

ANTIKIDISHITU: KOKELA NANSHA UFWE NZALA 35

Kyanyingile bonso, batyetye ne bakatampe, bampeta ne balanda, banapabo ne bapika, amba bata-mbule kiyukeno ku dikasa dilume, nansha pa mpala, amba kekudi nansha muntu umo ukakokeja kupota nansha kupoteja shi kadipo ne kiyukeno kino kya dijina dya kinyema nansha numelo yadyo. Pano po pa kunangula: Yewa udi ne ñenyi abale numelo ya kinyema, mwanda i numelo ya muntu ne bungu bwayo bwine i buno: tutwa tusamba ne makumi asamba ne isamba (666).

—Kusokwelwa 13:16-18

Difuku diyampe diila bapandijibwe
... I boba bapityile mu byama-

lwa bikatakata. Bakendele bivwalwa byabo ne kwibitokeja senene mu mashi a Kana ka mukoko. Ekyo bekadile kumeso kwa lupona lwa Leza bamwingidila mwinya ne bufuku mu Njibo ya Leza. Yewa ushikete pa lupona ukebalami-nyina shee, mwanda udi nabo. Kebakomvwanapo kadi nzala dikwabo nansha kyumwa kine, nansha dyuba nansha kyanga ka kine, kebikebasokapo, enhe. Mwanda Kana ka mukoko kadi umbukata bwa lupona, kakekala mukumbi wabo, ukebatwala ku masulo a mema atamba nyeke ne nyeke-ke. . . .

—Kusokwelwa 7:14-17

36 BANTU BONSO BATOTA ANTIKIDISHITU NANSHA BATAMBULA KIYUKENO KU NGITU YABO MWANDA WA KUPOTA NANSHA KUPOTEJA BINTU I BAPONEJIBWE

Kadi ne mwikeulu mukwabo wa busatu nandi wadi wenda wibalonda unena diwi dikatampe'mba: "Shi muntu atote kyokya kinyema ne nkishi wakyo, ne kutambula kiyukeno kyakyo pampala nansha ku kuboko, nankyo Leza ukamumweshwa malwa makomo a bukalabale bwandi. Ukasusuka mu mudilo ne mu mwishi wa sufule kumeso a bamwikeulu bajila ne a Kana ka mukoko. Boba batota kinyema ne nkishi'wa, ne bonso batambule kiyukeno kya dijina dyakyo, mwishi wa kususuka kwa-

bo ukafituka nyeke ne nyeke, kadi kebakakokolokwapo nansha mwinya nansha bufuku bwine.

E kyo kifwanyinwe bapandulwemo kwikala ne bukankamane, abo balamine binenwa bya Leza, ne lwitabijo lwabo mudi Yesu.

Kadi naumvwene diwi mulu ke dinena'mba: Lemba'mba: I baktokwe boba bafu bafwila mudi Kidishitu kwalwila ku dyalelo dinodi. Muya Ujila nandi'mba: I amo! Bakokolokwe ku mingilo yabo, mwanda bilongwa byabo bibalonda. —Kusokwelwa 14:9-13

BUSHINDAÑANI PA KIYUKENO NE KYELEKEJO 37 KYA SATANA KUMESO KWA BUKALABALE BWA LEZA KWIYA PANO PANTANDA

... Bamwikeulu basamba-babidi bakwete mpupo isaba-ibidi. Ino'i yo ya mfulo mwanda bukabalale bwa Leza bubashikala ponka pa ayo. Namwene kadi kidi bwa dijiba dya makalashi masambakanye na mudilo. Mwadi mwimene boba banekenye kinyema ne nkishi wakyo ne numelo ya dijina dyandi. Badi bakwete nsense ya Leza. Ke bembe lwimbo lwa Mose-sa mwingidi wa Leza, ne lwa Kana ka mukoko, amba: A Vidye Mukulu, Leza Wabukomobonso, Bilon-gwa byobe i bikatampe, kadi i bya kwaanwa! Mashinda obe i mo-

loke, kadi i a binebine. Abe Mulo-pwe wa mizo! Naumvwene diwi dikatampe ditamba mu kifuko kiji-la nakampata ke dinena bamwike-ulu basamba-babidi'ba'mba: Endai mukamwangile panshi bisuku bisamba-bibidi bya bukabalale bwa Leza! —Kusokwelwa 15:1-3; 16:1

Baketwe mitwe ba Leza babikala

... Namwene kadi ne myuya ya boba baketelwe mitwe pa mwanda wa kusapula Yesu ne pa mwanda wa mwanda wa Leza . . . nabo basangulwa babikala na Kidishitu myaka kanunu. —Kusokwelwa 20:4

38 AMAKEDONA, BULWI BWA KIDISHITU BWIMANA

Bibanda bibungakanya mizo kulwa

I bibanda bibibibi bilonga bi-
ngelengele, ke byenda kudi balo-
pwe bonso ba panopanshi, amba
bibabungile pamo kulwa mu dyo-
dya Difuku dikatakata dya Leza
Wabukomobonso . . . Bibanda'-
bya byaungwijije balopwe pa kifu-
ko kimo kitelwa mu kihebelu dya
bu Haramakedona.

—Kusokwelwa 16:14 ne 16

Kidishitu upandija ntanda yandi ne muzo wandi mutongwe, Isalela

Talapo bidi, ami nkalengeja Ye-
lusalema ke kitomeno kya kule-
ndalenda . . . Penepa kadi kikafi-

ka enka nenki mu dyodya difu-
ku'dya, nkalengeja Yelusalema
ke dibwe dilema dya bantu bo-
nsololo kadi; bonsololo betwi-
ka'dyo baketapa byamwiko; kabi-
di mizo yonsololo ya panopanshi i-
kakongakanibwa pamo pa adyo.
Penepa kadi Yehova ukatamba
kulwa na yoya mizo'ya, pamo'nka
na walwa mu difuku dya bulwi
. . . . Penepa kadi kino kyo kikeka-
la kinzengele kikakupila nakyo
Yehova bantu bonso balwa pa Ye-
lusalema . . .

—Zekadia 12:2, 3; 14:3 ne 12

. . . Shi Leza i wetu, nankyo le
uketukomena kadi i anyi?

—Bene Loma 8:31

KIDISHITU I MWEENDEJI WAMFULO WA PANO PANTANDA

39

Ino nanshi Leza, aye momwa mulu, ufikija bukalabale bwandi pa babipyamambo ne pa bakubulwa kumukokela bonso

—Bene Loma 1:18

Mu kanwa mwandi mwadi mutambile kipete kilampe kya kutapa nakyo mizo ya pano panshi. Ukeikumba na mukombo wa kilonda, kadi ukebatyimpa ne bukalabale ne bukomo bwa Leza Wabukomobonso, enka na bwa utyimpa bipa bya vinye mu kipondelo. Ku munkukumba wandi ne pa ditangatanga dyandi padi palembwe dijina'mba: **MULOPWE WA BALOPWE, MFUMWANDYA BAMFUMU.** —Kusokwelwa 19:15, 16

Kidishitu ubikala pano myaka 1000, penepa ubikala nyeke na nyeke

. . . Bakekala babitobo ba Leza ne ba Kidishitu. Bakabikala nandi myaka kanunu'ya.

—Kusokwelwa 20:6

Penepa kadi mu mafuku a boba balopwe Leza wa mulu ukemika bulopwe kebukonakanibwapo nansha patyetye. . . . —Danye 2:44

Mizo yonso yo wapangile ikayanga ne kutota mu kifuko kyobe, a-be Mfumwami. Kadi bakatumbijanga dijina dyobe.

—Ñimboyamitoto 86:9

40 SATANA WANENYIBWA MU BULWI NA LEZA

Ino mpumina ne bandi banekenyibwa, babulwa kifuko mulu. Aye mpumina mukata waelelwe panopanshi, aye nyoka wa kalakala witwa dya bu Nongojanyi ne dya bu Satana, ongolanga bantu bonso bekele panopanshi. Waelelwe panopanshi aye ne bamwikeulu bandi bene nabo baelwa nandi pamo. Penepo kadi naumvwene ne diwi dikatampe mulu ke dinena'mba: Pano lupandilo lwa Leza ne bukomo bwandi, Ne bulopwe bwa Leza wetu, Ne lupusa lwa Meshia wandi, bibafika. Mwanda yewa wadi usambilasambila banabetu Mu kifuko kya Leza, mwinya ne bufuku, Waelwa panshi.

—Kusokwelwa 12:8-10

Bya bulwi binekenya mu bulwi buno

Ino abo bamunekenye na mashi a Kana ka mukoko Ne na Kinenwa kyo badi basapula. Kibase-nswepe bumi bwabo, Nansha kutyina lufu'mba twakafwa.

—Kusokwelwa 12:11

Mfulo ya nyeke ya Satana

... Ino nanshi mudilo watuukile mulu webasoka fututu. Satana webongwele'wa nandi waelelwe mu dijiba dya mudilo mudi ne sufule, mo mudi ne kinyema ne mufumiki wa bubela. Bakasusuka'mo mwinya ne bufuku nyeke ne nyeke.

—Kusokwelwa 20:9, 10

***Mfumwetu Yesu ubikele nyeke
na nyeke***

A Yehova, bukatampe bo bobo ne bukomokomo, ne ntumbo, ne bushindañani, ne bulopwebo; mwanda byonsololo bidi mulu ne panopanshi i byobe; bulopwe bo bobo, a Yehova, kadi wazunzulwa bwa mutwe peulu pa byonsololo.

—1 Bilongwa-Bya-Mafuku 29:11

Monka mufwila bonso ba Adama, e mo mukasangukila ne bonso ba Kidishitu, ino abo bonso badi ne milongo yabo: umbajinji kusanuka udi bwa kipa kibajinji kya mulakisho i Kidishitu, kulonda'ko ke boba bandi, popa pakeya. Pa

kupwa byobya, ke mfulo ya panopantanda. Kidishitu ukonakanya mabikavu onso, ne mpusa yonso, ne bukomo bonso, wafikija Bulopwe kudi Leza shandi. Mwanda Kidishitu ufwanyinwe kubikala kufika'nka ne byakanekenyinyinya balwana nandi bonso. Walwana nandi ukafudila konakanyibwa i lufu. —1 Bene Kodinda 15:22-26

Penepo mwikeulu wa busambabubidi nandi waila kimpungidi. Baumvwana mawi makatakata mulu anena'mba: Pano bulopwe bwa kubikadila pano pantanda ke bwa Mfumwetu ne bwa Kidishitu wandi. Ukabikala nyeke ne nyeke!

—Kusokwelwa 11:15

Satana ulubija ngitu, mutyima na milangwe ya kusambakana mwanamulume na mwana-mulume, kwipaya kwa bana keba-butwilwe, kukwatwa na bibanda

... Bana-balume nabo, ke beko-mwa meso basambakana abo bene na bene... batambulanga abo bene mfuto mifwaninwe kujilula kwabo.... —Bene Loma 1:27

Bintu bino'bi bishikilwe Yehova... makasa amwanga mashi ampikwa mambo. —Nkindi 6:16, 17

Kyaenda kukapaya bibanda bi-kwabo bisambabibidi bitabukile ne akyo kine kubipa. Byaiya abyo byonso byaikadidila'mo. Kumfulo mwikadilo wa muntu'wa watabu-

kididila kubipa ne mwaadi wikadile pabajinji. . . . —Mateo 12:45

Kimba enka Leza Mumi. Kokita 'leza mukwabo' shi usaka kuyuka bya kumeso, kutanga milangwe, kundapibwa ngitu nansha kwendejibwa na kikudi.

Satana, ntomboki kudi Leza, wimene kunyuma kwa bino byonso. Wingila mu bantu, mu bilembwa, bintu byo tumona. Enka Kidishitu ukupa bwana-pabo.

Kokipana abe mwine kubwendeji bwa mushipiditu'o onso shi keudipo wa Leza. Kulupila enka Mukanda wa Leza ne Yesu Kidishitu.

(Tala Kusokwelwa 19:13.)

Bufundiji bonso busonsolola bantu ku kashinda katyetye ka lulekelo, kutokejibwa ne bukudi mu mashi ne mudi Kidishitu Mwine i bulube kadi i bwa bongojani

Yesu webalondolola'mba: Dyumukai, muntu kakimudimbai. Mwanda bantu bavule bakeya betela dijina dyami'mba: Ami uno ne Meshia. Kadi bakadimba bantu bavule... Kadi kukamweka bafumiki ba mabela bangibangi bakalubija bantu bavule.

—Mateo 24:4, 5 ne 11

Nemusapwidilesapwidile kala ne pano kadi ke mpituluka'mo ne impolo ponka ku meso ami, na'

mba kudi bamo balwana ne musalabu wa Kidishitu. Mfulu yabo i konakanyibwa fututu, leza wabo i mafu abo....

—Bene Fidipai 3:18, 19

Penepo shi mulekele bakwenu bibi byo bemulonga, nankyo Shenu wa mulu nandi ukemulekela.

—Mateo 6:14

Mashi maleme a Yesu aleta bukudi

Kemukudilwepo na lupeto lupwa buleme pamo bwa ndalama nansha nsahabu, enhe, i na mashi maleme a Kidishitu wadi'nka bwa mukoko mwana wampikwa bulema nansha biko. —1 Petelo 1:18, 19

***Mwendejibwe na muswelo wa
bubi***

Mwanda batwe bonso twalamukile'nka bwa kintu kyadisubi, ne boloke bwetu bwine bonsololo bu-di'nka bwa mutwelo wa bisasa. . . .
—Isaya 64:6

E mo mwadi mwikadile kala'nka bwa bapanopantanda. Mwadi mukokele mulopwe wa lupusa lwa luvula, i aye muya mubi uno wingila ne pano mu bantu bampikwa kukokela Leza. Ne batwe Bayuda bonso netu, twadi'nka nabya, tulonda mwendele kusakasaka kubi kwa bungitu bwetu, tulonga'nka mwadi musakila ngitu ne milangwe yetu. Pa mwanda wa

mwikadilo wetu mubi

—Bene Efisesa 2:2, 3

Kadi shi Myanda Miyampe yotusapula ino keijingulukilepo, nabya i ku boba bakoneka ko keijingulukilepo. Bopa bakubulwa kwitabija, ajikwe matwi a mityima yabo na mulopwe wa panopanshi, wibakankaja'mba bakamona kitokeji kya Myanda Miyampe ilombola ntumbo ya Kidishitu, kifwa kya Leza.

—2 Bene Kodinda 4:3, 4

***Mudi Kidishitu mudi
bushindañani***

Nanshi pano kuponejibwa i kutupu'ko ku boba badi mudi Kidishitu Yesu. —Bene Loma 8:1

BANTU BAMPIKWA KUPANDA I BA SATANA 45

Budimi i panopantanda. Nku-nwa miyampe nayo i boba bana ba mu Bulopwe. Biyombo bibi i boba bana ba Umbi. —Mateo 13:38

Mwanda shenu i Nongojanyi. Musenswe kulonga bisaka shenu. . . . —Yoano 8:44

Mudi Adama, tutombokela Leza

Ino nanshi yewa kalametepo ko ndi i kinkwa nami. Yewa kongwi-japo nami, nandi ukusakanya. —Mateo 12:30

Uno o mwanda ka otufwaninwe kubutulwa dipya ku Mushipiditu wa Kidishitu

Shi muntu kadi ne Kidishitu nankyo ke mupangwe dipya, byobya

bya kala bibajimina, pano ke bi-pya. —2 Bene Kodinda 5:17

Mikoko yami imvwananga diwi dyami, neiyukile, nayo inondanga. Neipe bumi bwa nyeke. . . . —Yoano 10:27, 28

Ipane kudi Mfumwetu Yesu pano

. . . Nenu talai, pano e po pa kitatyi kiyampe, e po pa difuku dya kupanda. —2 Bene Kodinda 6:2

Ino shi tusabe myanda yetu ku-di Leza nankyo aye uketulekela bubi bwetu ne kwitutokeja ku bu-kondame bwetu bonso.

—1 Yoano 1:9

46 BUSHINDAÑANI BWA NYEKE MUDI KIDISHITU

Le i anyi ukokeja kwitukalañanya ne kisanso kya Kidishitu ko tudi? Le i bumonyamalwa nyi? I bufudilwe nyi? I kupangwapa ngwa nyi? I nzala nyi? I mutaka nyi? Le i mu kyakanwa kya lufu nyi? Le i kipete kya butapanyi? Enhe, nansha kimo! Ino nanshi byonso bino tubanekenyenya'byo padi Yesu Kidishitu wetusenswe.

—Bene Loma 8:35 ne 37

Mwanda mwana Leza yense unekenya byapanopantanda. Tunekenya byapanopantanda pa lwitabijo lwetu.

—1 Yoano 5:4

Bupala mpalo boba banekenya

Yewa udi ne matwi emvwane binena Muya Ujila ku bipwilo. Ye-

wa unekenya, nkamupa kudya ku maana mafye, kadi nkamupa dibwe ditoka palembe dijina dipya dyampikwa kuyukwa na muntu, poso'nka yewa utambula'dyo.

—Kusokwelwa 2:17

Yewa unekenya kadi ulaminyine ne kulonga bilongwa byami kufika'nka ne kumfulo, nkamupa lupusa lwa kulela mizo.

—Kusokwelwa 2:26

Ketufwatakanyapo, nansha patye'mba tukokeja kulonga mwingilo udi nenki ku bukomo bwetu batwe bene, enhe. Bukomo bwetu bwiya'nka kwa Leza.

—2 Bene Kodinda 3:5

Mweka na Kidishitu mu ntumbo

Ino banwe byo mwasangwilwe pamo ne Kidishitu, sakidilai nanshi bintu bidi momwa mulu mudi Kidishitu, momwa mwashikete ku mutamba wa kuboko kulume kwa Leza. Tai mityima yenu ku bya momwa mulu, ke ku bya pano panshi po, enhe. Pakasokoka Kidishitu, aye bumi bwetu, nenu mukasokoka nandi pamo mu ntumbo. Pano nanshi, ipayai bya ku ngitu byonso bya panopanshi byo mudi nabyo: busekese, ne kulonga bya munyanji, ne kuuminyina ku bya bubi, ne kusakasaka kubi, ne mankonwameso, (mankomwameso nao i muswelo onka wa kutota

bankishi). I pa mwanda wa bino'bi ukafikila bukalabale bwa Leza ku boba bapela kumukokela.

—Bene Kolose 3:1, 2 ne 4-6

Nansha ikala mufingwe mafingo na Satana nyeke

Penepa Mulopwe ukanena boba ba ku mutamba wa kuboko kuka-ji'ba nabo'mba: Mfundukei papo banwe bafingwe mafingo kudi Leza. Endai umudilo wa nyeke walongolwedilwe Nongojanyi ne bamwikeulu bandi. —Mateo 25:41

Babi bakajokelanga ku Kalunga-nyembo, ne mizo yonso mine ivulaminwe Leza kumo.

—Nimboyamitoto 9:17

Wityepeje

Yesu nandi waita mwanuke, wamutula umbukata mwabo, kane-na'mba: Nemulombola binebine'mba shi kemwalamukilepo mwikale bu mwikadile banuke, nankyo kemukatwelapo mu Bulopwe bwa mu madiulu. Utabukile buleme mu Bulopwe bwa mu madiulu i yewa wityepeja bwa uno mwana'u. —Mateo 18:2-4

Alamuka pa mutyima ku bubi

E mo mwaidile Yoano mu ntanda mutuputupu. Wadi ubatija bantu, wibasapwila'mba: Alamukai pa mityima yenu mubatijibwe, nankyo Leza ukemulekela bupya-mambo bwenu. Yoano paadi ke

mukutwe kala, Yesu waendele mu Ngadilee, kasapula Myanda Miyampe ya kwa Leza, unena'mba: Kitatyi kitungwe kibafika, Bulopwe bwa Leza bubafwena. Alamukai pa mityima mwitabije Myanda Miyampe. —Mako 1:4 ne 14, 15

Enhe! Nemusapwila'mba ne banwe nenu shi kemwalamukilepo pa mityima, mukoneka.

—Luka 13:3

Banwe nanshi alamukai pa mityima mutadile kudi Leza, emujimankenye bubi bwenu, penepa Vidye Mukulu akemuletele myaka ya kupunguluka kwa mutyima.

—Bilongwa Bya Batumibwa 3:19
(Endelela ne ku dyani dya kumeso.)

TAMBULA KIDISHITU BU MUPANDIJI OBE DYALELO

Ipane kudi Yesu Kidishitu

Fikija dishinda dyobe kudi Yehova; Umukulupile, nandi ukekifikijanga. —Nimboyamitoto 37:5

Mwanda Leza byasenswe mpa-ta bapanopantanda, wapana Mwana wandi umo enka, amba muntu yense umwitabija kakonekapo, enhe, utambula bumi bwa nyeke ne nyeke. —Yoano 3:16

Nabo'mba: Itabija Mfumwetu Yesu, upande abe ne kisaka kyobe. —Bilongwa Bya Batumibwa 16:31

Leza upana bukomo kwikala bana bandi

Penepo boba bamutambwile, nandi webapele lupusa lwa kwika-

la ke bana ba Leza, ke boba bamwitabija kadi. . . . Nemushilandoe, nemupe ndoe yami, yami ya ami mwine. . . . —Yoano 1:12 ne 14:27

Itabija Kidishitu patoka

Amba shi unene tu mu kyakanwa kyobe'mba Yesu i Mfumwami, kadi umwitabije ne mu mutyima obe'mba Leza wamusangwile mu lufu, nankyo ubapande. Mwanda muntu witabija umutyima wandi, Leza nandi wamubingija. Muntu unena ne kyakanwa, Leza nandi wamupandija. Mwanda Kisonekwa kinena'mba: Bonso bamwitabija kebakafwijibwapo bu-mvu nansha dimo.

—Bene Loma 10:9-11

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

www.wmpress.org

1-18

1433 Kiluba SVC